



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola VI. Alexandri Papae II. Ad Gervasivm Archiepiscopvm
Rhemensem. De Cadaloi pseudopontificis vinculis: & de simoniacis
extirpandis.

urn:nbn:de:hbz:466:1-15625

EPISTOLA V.

ALEXANDRI PAPÆ II.

SYNODICA AD OMNES EPISCOPOS.

De rebus in Concilio Romano gestis.

Alexander episcopus seruus seruorum Dei omnibus episcopis catholicoque clero & populo salutem & apostolicam benedictionem.

VIGILANTIA vniuersalis, &c. Extat infra in Concilio Romano primo.

EPISTOLA VI.

ALEXANDRI PAPÆ II.

AD GERVASIVM ARCHIEPISCOPVM RHEMENSEM.

De Cadalo pseudopontificis vinculis: & de simoniacis extirpandis.

Alexander episcopus seruus seruorum Dei carissimo confratri Geruasio Rhemenfi archiepiscopo salutem & apostolicam benedictionem.

VISIS fraternitatis tuae literis, euidenter intelleximus, eam matri sue sanctae Romanæ ecclesiæ sinceram compassionem exhibere, ipsamque, si facultas daretur, praesentia corporis velle visitare. Et quia solicitudinem tuam eiusdem prosperitate latari, quemadmodum de infortunio contristari non dubitamus, annuntiamus tibi, diuina suffragante clementia, Cadalo præsumptionem extollentem se aduersus apostolicam sedem, tanto amplius ad maiorem sui ignominiam deuenisse: quanto ipse sperauerat altioris superbiae culmen ascendisse. Siquidem proprii nominis etymologiam euidenter intelligens, ad reparandam pecuniam in periculum capit is a fautoribus suis distributam, cuiusdam turris præsidio gemebundus seruatur.

Vnde per misericordiam Dei speramus nullo modo posse euadere, donec quidquid contra sanctum Petrum nequitia sua præsumpsit satisfecerit: digna eius damnatio ne est. Quod igitur simoniaca hæreseos pestem, qua in parti-

partibus illis vires adhuc obtinet eius dolo, velle insequi significasti, non parum deuotionis tuæ studio congaudeamus, in quo nimirum adeo specialem dilectionem a nobis & filiis sanctæ Romanæ ecclesiæ promeruisti, vt a non-nullis te odio habentibus, odium quoque nobis euidentibus indiciis exhiberi declaretur. Super Aurelianensem denique, qui simoniace episcopatum obtinuisse, & inde per iurum tribus aliis sibi adhibitis incurrisse probatur, sententiam dare archiepiscopum Senonensem literis nostris admonuimus; quem nimirum, vt cum ipso conuenias, & negotium illud pariter agas, apostolica auctoritate hortamur. Abbatem quoque sancti Medardi iam pridem excommunicationis vinculo innodatum, omnibus modis operam dare studeas, vt de abbatia, quam iniuste retinet, eiiciatur, & alter digne & canonice substituatur.

Cetera vero quæ in literis tuis continentur, ad præfens distulimus, præsertim cum in præsentia tui, quam desideramus videre, id melius fieri existimamus: non enim panis securi, neque arbor cultro succidi solet. De causa autem Amelrici iterum & iterum te admonemus, vt quod in apertis literis nostris continetur omni studio omniq[ue] solicitudine peragas.

CONSTITUTIONES

QVAS LEGATI SEDIS APOSTOLICÆ

Mediolanensibus obseruandas præscripserunt.

In nomine sanctæ & individuæ Trinitatis. Anno ab incarnatione Domini Iesu Christi MLXVII. pontificatus vero domini Alexandri II. papæ sexto, indictione quinta, die primo mensis Augusti, attum feliciter Mediolani.

CVM constet, fratres carissimi, omne genus hominum sub primi parentis præuaricatione ortum, ex radice carnis peccati trahere contagia culpæ, eamque propter hoc poenam sustinere vindictæ, vt miseriis multis repletum, sibique ipsi graue & ingratum nunquam in eodem valeat permanere statu: vt quia factori suo noluit obediare, ex poena peccati cogatur mutabilitatis suæ miserias tolerare, ita vt nec animo virtutis stabilitatem, nec cor-

Concil. Tom. 25.

H h h

Præscriptæ
leges ser-
uandas Me-
diolanensi
ecclesiæ.